

岱

史

稽史第七卷望典紀

叙曰曷云乎望也帝王祀事之稱也紀之者何秩祀以崇禮也夫國之大事惟祀祀之大事惟天地與五嶽而岱惟嶽首帝王狩望必先焉於禮豈弗崇重哉然虞書望祀而曰秩周禮四望而曰秩視三公蓋別於天地也無用越禮以為媚也降及後世飾縟矯誣唐則稱王宋則稱帝獻符奏策瑤牘雲臺輒冀幸饗神而徼之福顧不思夫神聰明正直而一者也以此媚之克享否乎明

高皇帝稽古制祀典先正其名號曰東嶽泰山之神而郊壇而遣告而禱賽一切秩之以禮與帝典王章同符列聖承之昭然成憲可為萬世法若夫公卿百執事有事於祀者凡以為國為民也例得附錄焉

唐虞歲二月東巡守至于岱宗柴望秩于山川

見舜典

周

天宗伯

以血祭祭五嶽小宗伯四望五嶽

五嶽

視三公

見周禮

周公封于曲阜伯禽為魯侯遂得主泰山之祀

見魯

世

魯僖公三十一年夏四月卜郊不從乃免牲猶

三望

見春秋○公羊傳曰三望者何望祭也祭春山河海也

魯宣公三年春王正月郊牛之口傷改卜牛牛死

乃不郊猶三望

同上

季氏旅於泰山子謂冉有曰汝弗能救與對曰不能子曰噶呼曾謂泰山不如林放乎

始皇即帝位三年東遊海上祠名山大川及八神

八神之次二曰地主祠泰山梁父八神之祀莫知所起蓋周之先已有之始皇因之及舉封禪亦祠

泰山

漢高祖至武帝時泰山屬濟北王境內自奉祠元狩元年王以天子且封禪上書獻泰山然後天子官領祠元封五年帝至奉高修封祠泰山其後五年一修封凡五祠焉

宣帝神爵元年詔太常制五嶽常祀禮皆使者持節唯泰山與河歲五祠餘皆三祠

光武中元元年定北郊祀五嶽建武三十年三月帝却封禪之議幸魯退祭泰山 三十二年二月

帝舉封禪祭天於泰山下南方又以一特牲於常祠泰山處告祠泰山

章帝元和二年二月辛祀泰山風俗通曰岱宗廟十月日合凍臘月日涸凍正月日解凍皆太守侍祠

魏

文帝黃初三年祀五嶽

晉

成帝咸和八年立北郊五嶽從祀

梁

令郡國有五嶽者置宰祀三人以孟春仲冬祠之

後魏

景穆帝立五嶽廟於桑乾之陰每歲遣祠官詣

諸嶽鎮禱焉

孝文帝祭岱嶽文曰造化氤氲是生二儀玄黃既闢山川以離四流含靈五嶽苞祗并兼方象出納望義岱宗穹崇梁甫盤崛青丘碯嶢春趾鬱律肇生庶類啓光品物上敷神工下融靈秩載協化文四氣以溢百王鑄成莫不茲室

唐武德貞觀制以五郊迎氣之日祭五嶽又祭東嶽於兗州

玄宗開元初五郊迎氣之祭如舊制祝文見後開元十

三年封泰山神為天齊王禮秩加三公一等是
時天台道士司馬承禎言今五嶽神祠是山林之
神也五嶽皆有洞府有上清真人降任其職山川
風雨陰陽氣序是所理焉冠冕章服佐從神仙皆
有名數請別立齋祠玄宗奇其說勅五嶽各置真
君祠故今道書稱東嶽太靈蒼光司命真君云
開元初定常祭儀祝曰嗣天子某謹遣某官某敢
昭告于東嶽岱宗惟神贊養萬品作鎮一方式
因春始謹以玉幣犧齊粢盛庶品朝薦于東岳岱

宗尚饗

天寶元年七年八年皆以歲豐遣官祭五嶽

德宗貞元二年詔太常卿裴郁等十人各就方鎮

祭嶽瀆

宋初祭東嶽泰山於兗州

真宗大中祥符元年封禪禮畢詔加號泰山天齊

王為天齊仁聖王五年加上曰天齊仁聖帝命

學士鼎迥撰天齊仁聖帝碑銘今存嶽廟

晁迥碑銘

臣聞結萃為山麗無疆之厚載升名曰嶽表奠服
之崇丘至若根一氣以混成婉四時而首出作鎮
東夏寔惟岱宗辨乎五方設位冠配天之大畫為
八卦建標當出靈之區邃深連空洞之宮翕習號
神靈之府夫其卦甲艮象握制坤軸嶷嶻嵒礧穹
崇岩堯天門路界於鬱蒼日觀勢臨於杲曜列仙
遯迹存棲真之石閭永命儲休閑與齡之金篋滋
殖百卉函育庶類以畜泄雷雨吐納風雲封之所以
合元符登之所以小天下近綴梁社遠瞻秦吳控

壓海沂襟帶洙泗鄒人所仰魯邦是詹肇生物之
化權蓋順貞之壽域也古先哲后誕膺駿命披皇
圖稽帝文告成一切申大報昭姓考瑞刻石紀號自
無懷氏迄唐明皇登封展采布在方冊者罔不于
茲矣開元十三年始封神曰天齊王禮秩加三公
一等綿歷五代故寡無聞爰暨皇朝勅興嘉運叶
百姓與能之望悲真人革命之秋太祖皇帝總攬
英雄鞭撻宇宙勤勞四征削平多壘方混一於寰
中太宗皇帝纂隆洪緒懋建皇極斟酌道德統和

天人乃綏懷於海外然而艱難創業緼畜貽謀勅
崇奮炎將底績而耄暇開先遺大知弈世而有歸
粵惟崇文廣武威天尊道應真佑德欽明上聖仁
孝皇帝陛下承鼎定之基格孟安之世顯仁以育
物廣孝以奉先宣洽重熙財成庶政弭息戎旅撫
柔要荒乘國步之密清宅天衷於醴粹因之以豐
懋加之以阜康席慶宗廟之重游心帝王之術長
轡遠御大道坦夷天衢於是乎嘉亨德教於是乎
漸被戴日戴斗聿遵朝聘之期太平太蒙盡入車

書之域垂衣在上擊壤在下得以疇咨俊茂博訪
幽隱講求典禮包舉藝文接千歲之統可炳儀於
封祀當萬物之盛宜昭告於神明然猶務謙尊而
益光體健行而不息冲晦藏用淵默思道俄而天
休震動上帝顧懷真錄游臻靈心有懌總集峻命
覺悟烝黎踰金簡玉字之文等河圖洛書之寶承
是秘檢發為蕃釐霈澤開榮普天受賜新建元之
號易通邑之名茂昭降祥聳動群聽是時東土耆
老奏闕廷以上書尚同宰輔率官師以抗表願備

考古之道煥發升中之儀弗獲固辭乃徇勳請且
以增覆載之高厚揚祖宗之純懿也儲峙供億悉
出於縣官經啓營繕不煩於民力大中祥符元年
冬十月具儀制嚴仗衛陳屬御隣介立齋心服形
奉符行事群司奔走百禮修明集嶢巖之巔凌顯
英之氣壇壝清肅牲醑純備玉幣式叙樽彝在列
奠獻克謹皦繹用張晏娛父三神之歡陟配崇二
聖之位舉權火升高烟示瑤牘以環觀建雲臺而
特起社首之禮抑又次焉咸秩無文奉行故事朝

會赦宥涵濡盪滌采輿誦求民瘼旌前列衍徽章
參用玉制著明皇績大猷克集神寶幽贊故自始
及末見象日昭史氏之筆殆不停綴則有非烟紛
郁太陽晏溫仙芝無根菌蠢以含秀醴泉無源滋
涌而善利靈輝休氣嘉穀奇木鱗介之宗長翔游
之品類表異駢出曠代絕倫豈非受職修貢發祥
介福之徵乎人謂是山崇冠群嶽功侔造化斯不
誣矣國家稽虞書四巡之首原漢氏五祠之重述
宣邦典申嚴恭法奉正直聰明之德罄精虔嘉

之誠為民祈福與國均慶封巒之後復增懿號曰
仁聖天齊王蓋以形容靈造舉褒崇之禮也名稱
之義大矣哉化工生物之謂仁至神妙用之謂聖
登隆顯赫亦云至矣復思嚴飭廟貌彰灼威靈責
大匠之職議惟新之制於是命使屬役協辰俾功
庀卒徒給材用興雲鍾運風斤程土物以致期分
國工而騁藝規畫盡妙樂勸忘勞踰年而成不愆
于素棟宇加宏麗之狀像設貢端莊之容凡所對
越肅恭逾至四年春舉汾陰后土之祀成天地合

蒼之禮憲章明備上下交感純嘏既錫大賚施及
圓首方足式歌且舞猗歟間歲順動焜煌景鑠而
皆擬聖明之述作從英茂以飛騰灼叙慶靈奉揚
殊貺紀諸盛節悉以命篇布日星之華配雲雨之
潤並刊鳳藻散跼龜趺播洋溢之頌聲垂極蟠之
能事而志求象罔順拜崆峒闢衆妙之門廣列真
之宇非止卜永年於邾鄆是將納雅俗於華胥者
也又以太一五佐本乎天太寧五鎮本乎地其位
參兩鴻名可齊特尊列嶽咸加帝號由是奉升泰

山之神曰天齊仁聖帝乃命案馳道之東偏直宸
居之巽位辟地經始別建五嶽帝宮以申崇尚之
禮焉御製奉神述詔中書召侍從之臣諭以制作
之本意觀夫聖文之梗槩以為岱鎮之大輔于柔
祇動植之所蕃息原源之所滋液至靈宅陰陽
攸司鍾馭穀而有徵微繫黎元之是賴舊史具載前
王式瞻著冊封之典嚴祀祠之禮增奉邑之數申
樵蘇之禁皆以仰不測之明威顯無方之妙迹也
方今兵革偃戢華夷會同歲獲順成物無疵癘率

由丕應冥助永圖固當稽彼前聞進其尊稱謂乎
唐虞曰帝商周曰王夫商周之王爵人臣而有素
唐虞之帝奉神道而何疑况其容衛等威冠裳制
度極微數以宿備宜明艷以相符因而成之禮無
違者願延景祐普及含生至于哉聲動霄辭無私
廣大坦然明白之理沛然利澤之德曲成司牧俾
臻富壽有以見聖人之情矣遂誌勒石徧立於五
嶽廟庭從近臣之議也是歲冬並命使介分詣諸
嶽定吉日飭有司皇帝被法服御朝元殿禮行樂

作而臨遣之持節受冊覲相繼次叙而出觀者
如堵且嘆文物聲名之盛未嘗有也使者奉詔訖
事率叶素期於穆宏觀曼超千占矣越明年詔五
臣撰辭各建碑於嶽廟而臣浸漬皇澤涵泳清微
偶集鳬鴈之行遂塵龍鳳之署預承綸旨強叩蕪
音曷勝眷獎上以慶幸宣明盛禮叨奉冊於秦城
潤色貞珉玷彌文於魯嶽荷輝榮之稠疊愧才學
之空虛燥吻濡毫謹為銘曰節彼泰山蟠亘大東
一氣凝神五嶽推雄勢并鳬繹秀出龜蒙崛起海

表目為天中高摩霄極俯瞰賜谷神策斯秘昌圖
可卜物性鍾仁民居獲福魯邦是常盛德在木百
靈淵府三宮洞天稷丘真隱芝童列仙白鹿方駕
飛龍命篇宅其勝境幾乎大年嶽長曰宗歲交曰
岱仰止巉岩奠茲持載壽域既優神聰有資禱祀
誕隆寅威如在千載興運八紘開基武功盪定文
教緝熙封禪縟典祖宗制宜逮夫聖嗣方畢宏規
惟帝奉符惟神佑德茂績其凝皇猷允塞嘉應眷
臻鴻禎靡測芄芄豐衍元元滋息於赫靈廟控帶

名區有詔改作俾受全模協心董役豐資庀徒技
殫功倍雷動星敷大厦咸新群黎改觀穿窬覩深
崢嶸輪奐肅穆威容潔清几案欽修允宜彤璽攸
贊功懋天作澤從雲游式諧民望昭報神休殊號
斯薦前古匪傳庶安億兆豈止懷柔天帝之孫復
升以帝出乎震宮臨乎日際事固莫京理亦潛契
樹此翠碑騰芳百世

金 每歲御署祝版命守臣侍祠

元 至元二十八年加上泰山天齊大生仁聖帝歲一

遣官祭嶽祠

大明洪武三年六月二十日

皇帝制曰磅礴東海之西中國之東參穹靈秀生同
天地形勢巍然古昔帝王登之觀蒼海察地利以
安民主祝曰泰山於敬則致於禮則宜自唐始加
神之封號歷代相因至今曩者元君失馭海內鼎
沸生民塗炭予起布衣承上天后土之命百神陰
佑削平暴亂正位稱職當奉天地享鬼神以依時
統一人民法當式古今寰宇既清特脩祀儀因神

有歷代之封號予起寒微

之再三畏不敢效

神與穹同始靈鎮一方其

不知歲月幾何神之

所以靈人莫能測其職受

於上天后土為人君

者何敢預焉懼不敢加號

以東嶽之神名其上

依特祭神惟神鑒之

歲春

二仲月泰安州記禮

御製岱山高文曰岱山高

不知其幾千萬仞根盤

齊魯弓亦不知其幾千百

影照東海弓巍然而

柱天益於民庶弓興雲吐

神龍出乎其間降祥

則甘露垂於松栢佳歲則

沱遍於厚坤冬則寒

風時出巖壑雜然而有聲百川林藪森然而如雷
坤之所載世之山首岱山也至如暘谷之東方或
登峯頂時聞天聲萬籟岱山之高也哉柱天之勢
其可云乎俄而風生萬壑雷云起諸巖隱隱雷動百
川倏忽電掣萬里長虹此岱山之神至也至則威
靈百備神之造化如此少時風靜雲收電歛雷息
又百川之清恭其岱山尤其高哉其蒼松也始天
地而生倚丹崖而長松之所以長尋不比丹崖所
以高萬仞何量蓋由太古之歲月以至于今蒼松

掃丹崖而萼苔不秀丹崖映蒼松而五色交輝猿
啼雲樹之杪鶴並日觀之東鵬鵠盤旋乎深谷雖
扶搖不可得而昇峯於戲登泰山而小天下越大
海而眇江湖信哉

洪武十年歲次丁巳八月丁未朔

皇帝謹遣曹國公李文忠道士吳永興鄧子方致祭
于東嶽泰山之神曰朕荷上天后天土之眷命蒙神
之效靈以致平群雄息禍亂君主黔黎於華夏統
控蠻夷於今十年中國康寧然於神之祀若以上

古之君言之則君為民而禱歲有春祈秋報之禮
於斯之際有望於神而祭者有巡狩於所在而燎
瘞者今予自建國以來十年于茲國為新造民為
初安是不得親臨所在而祀神也特遣開國忠臣
李文忠道士吳永輿鄧子方以代予行奉犧牲祝
帛於祠下以報效靈自今以後歲以仲秋詣祠致
祭惟神鑒之尚饗

洪武十一年遣道士吳永輿官行甫告曰惟神靈
峙方嶽鍾秀后祇主司生民厥功允大時維仲秋

禮當報祀特命使者奉犧牲祝帛詣致祭伏惟鑒之尚饗

洪武二十八年遣紳樂觀道士樂本然國子監生王濟祭曰昔者元運將終英雄並起民患兵殃時予亦與群雄並驅輯兵保民上帝默相山川受命效靈所在必克轉戰五年餘方乃兵偃民息衆樂生生之計天下太平二十八年矣今洪武乙亥四月間廣西布政司報蠻夷酋長龍州趙宗壽奉議州黃世鑑不循治化負國殃民兵興之事本重既

行不敢不告所以告者兵行十萬各離父母妻子
途間饑飽勞逸山嵐瘴氣患者有之此兵行之難
兵入其境良民受害且大軍所過荆棘不生民驚
且疑未有不傷者也此其所以告也但欲瘡痍之
方化煙嵐為清涼之氣俾殄渠魁良民安業軍士
速回各得完聚以養父母是其禱也然予未敢輕
告上帝惟神鑒之為予轉達謹告

洪武三十年遣神樂觀道士朱鐸如監生高翥祭
曰昔元末兵爭傷生者衆予荷皇天眷命嶽鎮海

瀆山川效靈諸將用命偃兵息民今三十年矣兵
燹之餘民方安定邇來西南戍守諸將不能昭布
仁威但知肥己害人致令諸夷苗民困窘而奮怒
攻屯戍致傷戍守善民者予非敢用兵由是不得
已指揮諸將帥兵進討然山川險遠彼方草木茂
盛煙嵐雲霧蓊鬱之氣吞吐呼吸則人多疾疫此
行人衆各辭祖父母父母妻子涉險遠以靖邊夷
以安中夏萬冀神靈轉達上帝賜清涼之氣以消
煙嵐早定諸夷速歸營壘得奉祖父母父母眷屬

團圓是其禱也今年九月二十六日兵行特遣人
專齎帛牲醴先詣神所謹告尚饗

永樂五年遣道士復生監生張禮恭曰比者安南
逆賊黎季犛及子孫黎蒼逞克肆暴屢壞邊疆侵
奪思明府祿州等處地方予加寬貸不肯興師問
罪但遣使諭使還地黎賊巧詞支吾所還地多非
其舊還地之後復據西平州又侵寧遠州逼脅命
吏占管人民劫掠資財殺虜男女邊境之民受其
殘酷安南之人并被其害誅求百端老幼不寧占

城之地累年遭其劫掠予數遣人告諭冀其改過而賊稔惡日甚罔有悛心予為天下主視民塗炭安忍不救乃命將出師聲罪致討志在弭民豈敢用兵實出於不得已賴皇天后土眷祐嶽鎮海瀆效靈將士奮志賈勇悉掃蕩其孽黨撫安其良善尚念將士暴露於外離其父母妻子山川險阻道里迢遞今天氣炎熱恐瘋瘴鬱蒸起居失調易於感疾予夙夜念此寢食不寧萬冀神靈鑒予誠悃聞於上帝賜以鴻庥潛消瘴癘俾降清涼使將士

安寧百疾不作特遣人致香帛牲醴先詣神所祭
告尚饗

宣德十年歲次乙卯五月壬申朔十五日丙戌

皇帝謹遣泰安州知州胡宗敏祭告於東嶽泰山之
神曰予嗣 祖宗大位統理下民夙夜惓惓養民
為務上祈神靈陰陽助相俾雨暘時順災沴不生
百穀用成民用康濟國家清泰永賴神庥謹以香
帛達予至誠惟神鑒格尚饗

宣統

元年歲次丙辰五月丁卯朔十五日辛巳

皇帝謹遣吏科給事中車遜致祭于東嶽泰山之神
曰越此東土泰嶽惟崇民物奠安厥功允茂予嗣
承大統謹用祭告惟神歆格永祐家邦尚饗

正統三年遣泰安州知州胡宗敏告曰朕祗御下
民永懷保恤百穀長育茲惟厥時顓冀明靈特隆
敷祐無災無沴時雨時暘作歲豐穰以穀黎庶尚
饗

正統九年遣翰林院侍讀習嘉言告曰予奉天有
民愧涼于德致茲久旱災及群生夙夜省躬中心

惓切神司方嶽憂憫諒同兩農以時冥任其責特
茲致禱尚冀感通弘布甘霖用臻豐稔匪予之惠
時乃神庥尚饗

景泰三年遣太子太保兼都察院都御史王文奉
香帛太牢祭曰茲者河流泛濫自濟寧州以南至
于淮北民居農畝皆被墊溺所在救死不瞻朕實
傷切于懷夫朕敷政以惠民神出泉以澤物皆上
帝所命今泉流溢於淮泗灾害及於公私伊誰之
貴固朕不德所致神亦豈能獨辭必使泉出得宜

民以為利而不以為患然後各得其職仰無所負而俯無所愧專候感通以慰懸切謹告

景泰六年遣刑部尚書薛希璉奉香帛牲醴告曰恭承天命重付眇躬民社所依災祥攸繫志恒內省政每外乖或寒燠愆期或雨暘踰度田疇失利穀麥不登憂切民心妨及國計究推所自良由在茲然因咎致灾固朕躬罔避而轉殃為福實神職當專夫有咎無功過將惟一轉殃為福功孰與均特致懇祈幸副懸望謹告

成化六年遣掌太常寺事禮部尚書李希安告曰
邇者山東地方爰自去秋訖于今夏天時久旱泉
流乾涸夏麥無成秋田未種運河淺澁船運艱難
中心皇皇深切朕念惟神奠鎮一方人所恃賴觀
茲旱暵寧不測然茲特遣官齋香帛以告于神冀
體上帝好生之德默運化機弘施雨澤使田野霑
足河道通行用紓朕慮大慰民望庶幾神之休聞
永永無窮神其鑒之尚饗

成化十三年遣山東布政使司左布政使陳鏐告

曰國家敬奉神明聿嚴祠祀所期默運化機庶民庶乃近歲以來或天時不順地道欠寧或雷電失常雨暘爽候或妖孽間作疫癘交行遠近人民頻遭饑饉流離困苦痛何可言惻然於衷罔知攸措惟神真鎮一方民所恃賴觀此災沴能不究心是用特具香帛遣官祭告尚冀體上帝好生之德鑒予憂憫元元之意幹旋造化弘闡威靈捍患禦災變禍為福庶幾民生獲遂享報無窮惟神鑒之尚饗

成化二十一年遣巡撫山東都察院左副都御史
盛顯告曰惟神自開闢來作鎮東土興致兩雲茂
育萬物靈明克昭蒸民攸賴是以歷代報祀之典
有隆無替乃今歲二三月間震動數次意者人事
不修不齊瀆神弗安弗寧守臣䟽達朕心憂惶祇
備香帛命官牲醴望喬嶽以虔祈冀鑒臨而奠位
助司元化誕福斯人夫古今瞻仰者在茲國家欽
崇者在茲謹告

弘治四年遣通政司左通政元守直祭曰伏自

歲一冬無雪今春天時亢旱雨澤愆期田苗枯槁
黎庶憂惶予甚兢惕用是側身修省虔致禱祈維
神矜憫下民幹旋大造早霈甘澤潤滋禾稼弘濟
民艱庶民有豐稔之休則神亦享無窮之報謹告
弘治六年遣巡撫山東地方都察院左僉都御史
王霽祭曰伏自去冬無雪今春少雨田禾未能播
種黎庶實切憂惶予甚兢惕用是側身修省虔致
禱祈惟神矜憫下民幹旋大造早霈甘澤以滋禾
稼以濟民艱庶民有豐稔之休則神亦享無窮之

報謹告

弘治七年遣內官監太監李興太子太保平江伯
陳銳右副都御史劉大夏右僉都御史熊翀以香
帛告曰比者黃河不循故道決于張秋東注于海
既壞民田又妨運道特遣內外文武大臣循行潰
決之處督工脩築神其默相用成厥功使農不失
業國計不虧不勝惓惓願望之至謹告

弘治己未年

御製重脩東嶽廟碑朕聞自古天子報祀鬼神之神禮

載在典冊自郊祀天地而下復有所謂名山大川
之祭蓋名山大川兩間物形之最鉅者形鉅則氣
之所鍾亦鉅而神必依之於是有雨澤之潤有財
貨之生有年穀水旱之祈禱焉以利生人此報祝
之所由起也惟泰山在古兗州於方為東故稱東
嶽於時為春春主生萬物之始群嶽之長又稱岱
宗古者天子巡狩秩祭之所先而東方諸侯在其
封內亦得以祭然其禮視三公蓋以別於天地也
降及後世乃崇以美號至於帝王則與天地無別

美我 聖祖高皇帝有天下之初詔定祀典始復
其號曰東嶽泰山之神禮嚴報祀著令至今大聖
人超卓之見蓋出尋常萬萬豈特朕所當恪守雖
萬世子孫莫之能易也東嶽之廟今徧於天下其
在泰山者為專祀歷代所重故廟之規制甲於他
方香火特盛我 祖宗列聖自國初以來報祀惟
謹廟宇亦屢加修葺然歷歲既久風侵雨剝棟宇
掣桶蓋瓦級磚與夫丹雘藻繪之飾未免傾圯漫
漶弘治己未冬朕奉 祖宗禮神之意遣御馬監

太監苗達往脩祀事具以為言即發內帑銀八千
餘兩并在廟積貯香錢命達會山東鎮巡等官其
之未幾西陲告警達有督軍之行工不時就千次
冬再以祀事往乃與巡撫右副都御史徐源等議
委右布政使俞俊專董其役而分巡副使下崇陽
往來協同吏勤工善越明年夏乃就訖自二殿而
下若廊廡若門垣等凡傾者以易圯者以完燬者
者以鮮以潔金碧輝映廟貌深嚴泰嶽明靈既章
且安自是而往陰佑顯相我國家之胤祚

生靈益有賴於無窮矣達暨鎮巡等官咸奏是舉
之盛宜有述以示後爰識巔末并繫之詩曰鴻蒙
未判一氣渾然清升濁降始肇乾坤賦形之大惟
山與川氣隨形鍾神乃在焉巍巍泰山高入雲煙
群岳宗之靡或與肩自古天子秩祫孔虔禮視三
公祀典攸傳降及唐宋縟禮相沿殊名美號益謹
益專於惟我祖志復古先秩祀有詔功邁前編
罔承先烈精誠彌堅祀事載脩廟貌增妍神心
鑒悅降福綿延壽我胤祚光我化甄蕩蕩平平億

萬斯年

正德五年遣戶部左侍郎喬宇告曰比者曠厲踰
時雨澤少降水泉枯涸運道良艱意者政有乖違
上干叶氣予心警惕內自省循爰飭有司各脩乃
事粵惟齊魯之地泉源是鍾名山大川神所居守
敬將香帛特遣廷臣仰冀明靈幹旋大化沛施其
澤濬發河流庶使國餉疏通田禾暢茂民生有賴
邦本無疆謹告

正德六年遣山東等處承宣布政使司右叅議徐

永告曰去歲以來寧夏作孽命官致討逆黨就擒
內變肅清中外底定非承洪佑曷克臻茲因循至
今未申告謝屬者四方多事水旱相仍餓莩載塗
人民困苦盜賊嘯聚剽捕未平循省咎由實深兢
惕伏望神慈昭鑒幽替化機災沴潛消休祥叶應
佑我國家永庇生民謹告

嘉靖十一年遣泰安州知州李收祭曰惟神鍾靈
孕秀鎮奠一方陰翊國家其來尚矣朕以寡昧恭
承天命十有一年于茲敬事神祇罔敢少懈顧儲

官未立恒切于懷茲者特具牲帛醴齊遣官虔禱
伏望茂著神功錫予元嗣則我國家綿慶禔于無
窮而神亦享福于有永矣伏惟尚饗

嘉靖十七年造泰安州知州丁方祭曰比歲嘗命
官禱祠于神昨丙申孟冬之吉仰荷天賜元儲亦
神所贊佑者燕用致謝神其鑒歆而永惟默佑焉
尚饗

嘉靖三十二年歲次癸丑閏三月丁未朔越二十
八日甲戌

皇帝遣山東巡撫地方都察院右副都御史沈應龍
致祭於東嶽泰山之神曰朕祇奉天命主宰萬民
夙夜兢惕靡敢怠遑茲者准徐守臣奏稱去夏以
來黃河漲溢水患異常堤岸衝決民舍湮沒運道
淤塞百姓阻饑不能聊生朕聞之惻然惟神雄鎮
一方永饗秩祀茲宜體

上帝好生之德捍患禦災俾濬築工成水循故道民
安常業漕運疏通惟神之顯庥弊帛將誠神其鑒
之謹告

嘉靖三十三年歲次甲寅二月壬申朔十八日巳
丑

皇帝遣巡撫山東地方都察院右副都御史沈應龍
致祭于東嶽泰山之神曰比因河水漲溢糧道梗
阻已經遣官祭告茲者明神顯應修濬土成河通
運達國計有裨特茲致謝惟神歆鑒謹告

嘉靖三十三年歲次甲寅四月辛未朔十二日壬
午

皇帝遣巡撫山東地方都察院右副都御史沈應龍

恭告于東嶽泰山之神曰朕奉天命予育萬民
所冀歲稔時和災害不作爾者各處地方水旱兵
荒人民遭厄危亡載路災變異常朕心憂惕惟神
上奉帝命奠濟一方諒垂矜憫爰命潔士齋捧
香帛特遣撫臣備儀竭虔詣祠致祭所冀明神大
彰靈應潛幹化機俾氣序順調雨暘時若弭解災
刼溥資豐泰庶同朕奉天子民之意而神亦享
惠于無窮矣謹告

隆慶三年

皇帝遣巡撫山東都察院右副都御史姜廷頤告獄
文曰邇者水災異常殃及黎庶良軫朕懷茲特遣
官祭告惟神鑒祐永福邦民謹告

萬曆元年

皇帝遣祭于東嶽泰山之神曰惟神毓秀鍾靈永表
東土奠安民物萬世允賴茲予嗣承大統謹用祭
告神其歆鑒佑我國家尚饗

大清順治八年歲次辛卯四月丁未朔越七日癸丑
皇帝遣都察院右都御史仍管工部左侍郎事劉昌

致祭于

東嶽泰山之神曰惟神天門挺秀日觀昭靈吐納
風雲育成品物朕誕膺

天命祇荷神庥特遣耑官用申殷薦惟

神鑒焉謹

告

歷代群臣祀祀

歷代群臣祀祀正址坤元作鎮東夏齊二儀以永
固崇至德以配天故能資元氣以造物協陰陽而
變化若其崑嶺峭峙川谷幽深神恠譎詭倏忽百
靈吐納風雲育成萬品攝生之所歸焉禎祥之所
萃焉是以歷代帝王之崇封禪銘功以告其成七
十二君咸在茲焉自非功侔造化應同自然孰能
若此者哉自我國家肅恭禋祀懷柔百神邦域之
內罔不咸秩徃以天路未夷雖望祭有在今大化

既同奄有淮岱謹薦于嶽宗之靈尚饗

皇興二年

宋

歐陽脩祭東嶽文

脩此者獲解郡章許還里開方

中車而即路屬暑雨之時行輒以愚誠仰干大造
蒙神之惠賜以不違吹清飈而散陰暴秋陽以涸
轍遂無道路之阻得返草茅之居荷德之深不知
為報一觴之潔謹用薦衷

濟南守曾鞏告岱嶽文

去歲之旱有請于神蒙畀

嘉澤田則大稔今春河筏發民二萬更迭齎送衆
又倍之蓋此齊人出者我半迨其反室維夏之初

勞費既深又違穡事夫民數歲乃遇一稔散之如此今二麥方苞而亢陽為虐吏任其咎所不敢逆惟民何辜賴神終惠能致雲雨則實在神尚其念之敢告○惟神含德體仁鎮茲東夏興雲致雨澤施八紘今此齊邦近在山趾方夏久旱麥苗將萎吏思其繇奔走群望而人微言賤不能上動頻陰復散忽已兼旬念此疲民弊於征歛方歲之富食常不足一遇災害必民困惟神威烈覆被群生顧此比州宜先蒙靈眷獨忍遺之是用飭

遣士民布誠祠下情窮詞急冀獲哀矜使一雨霑
然則倒懸可解尚其降鑒無作神羞○維泰山歷
古至今有天下者巡狩封禪勒成告代莫不之焉
或企足動容卒莫能至實卓偉殊尤神明之地故
天下宗焉二典所記其光靈威烈焯示萬世夫豈
他山可得而視維齊魯獲仰而事粒食縷衣莫匪
陰施今邦不雨自四月以迄于茲積水之澤塵起
冥冥粟將稿死蝗亦滋生雖政或不良足以致此
而百姓何罪宜蒙哀矜彼撮土之山勺水之川尚

能與民為福錫之有年豈如泰山朝出一雲漢
天下其勢之易易於轉圜而此近託麗顧不能憐
殆莫之或告告或不虔夫民之生蓋亦艱矣無儲
與藏重歛煩使歲一不登多濱於死姦強無知或
起乘時聚為盜攘以取誅夷循理安業田間之民
亦與俱亡奚可不傷輦受命天子守藩于東敢齊
以嚴告于靈宮惟神閔人之病助歲之功需然下
雨變沴為豐尚俾斯民以牛羊黍稷得承事于無
窮

窮

右三首
俱祈雨

臣愚行為時之所背言為時之所輕寡

儻少和眇眇然竒於人而如此敢望信於冥冥
屬東轅而進謁託斯文而薦誠眷齊魯之舊邦依
大鎮之崢嶸若旱魃之方驕憂歲事之不登民且
瘠於溝壑或椎埋而死兵冀聰明之饗吞濡膏雨
之霄零言丁寧以上訴心慙恍而潛驚顧不能以
諧世將何以動夫威靈乃不知夫神與道而為徒
雖宵默而難明其虛心也物有來而必應其公聽
也無憎愛之常情彼大雖自大小雖謂小吾與事
而已矣常一視而持平故微裒得以上徹利澤為

之旁行或噫為風或震為霆隱然雷出而然霆發
灑甘靈以蕪夕滅災氣於無形蓋西極于甸服東
屬乎滄溟人盈其望物遂其生黍芄芄而擢秀粟
穊穊而敷榮使時沴遂熄年功可成人食豐乎鍾
黼神祀衍乎梁盛民相安於田里吏無用於威刑
信大恩之莫報而至德之難名愚所以意激而感
深者方涉世之零丁荷降鑒之不昧知忠信之可
憑敢因辭以進謝愧抽思之匪精

右謝雨

明

都御史陳鳳梧告嶽文海內名山惟五嶽為尊而神奠位東方生長萬物於五嶽之中又特尊焉自唐以至於

聖朝歷代崇祀威靈烜赫蓋以一方之安危休戚神有以主之也辛巳之秋鳳梧備員東藩嘗謁告祠下預祈有年既而叨蒙聖恩簡任巡撫夙夜弗遑惟綏懷是事壬午之春以徂于秋雨暘時若感神之惠於是乎有孚矣是秋暨冬礦寇突起于龜蒙之間荼毒赤子追捕出境餘醜渡河而南益肆

跳梁頃者賴神之佑會兵剽平中原之地獲寧議
焉惟是齊魯之域深谷茂林姦慝潛伏其患屢
伏仗神威鋤兇化暴使濟河海岱冠盜不興水旱
不作熙熙然物阜民康斯鳳梧之責可少宜焉
崇報之典其曷敢有忘謹以牲醴特伸祭

其鑒之謹告

嘉靖二年

泰安守許應元告歲文九聞之會澤布
合不崇朝而雨天下惟泰山之神為然
出守茲土始入境問民之所欲曰歲荐

而

通且半誠得雨殆其有蘇惟時元神志
不潔不敢以徼於明神屏息而待命者

穀未播麥苗且稿而沛澤靳於先施是

茲土者無已也罷憊之民不任亟毒即

狀宜降厥殃咎彼蠢蠢者誠哀憐敢

誠以禱於明神惟明神卒降之惠俾無稿於道路

報神之德曷其有極尚鄉

嘉靖十年

左帝政便楊維聰告嶽文夫天下之山莫尊於嶽

然五嶽之中獨岱以宗稱其名最著潏然出雲

寸而合不崇朝而雨天下其功最大居於東方實
維生物之府其德最盛寰海之內無有遠近衝僻
罔不鄉往其神最靈是故自古聖帝明王必加敬
焉而況為有司者乎維聰受 天子命長茲東上
典領方嶽蒞任之初得以職事過于祠下牲醴之
薦敢有弗虔重念維聰之不德受茲重任凡政之
未平民之未乂風雨之未時蝗薦之或作皆有司
之罪也維聰不敢辭其罪然於神有深望焉默而
相之神之惠也民之福也非維聰之所敢私也謹

告
嘉靖十五年

分巡濟南道僉事盧問之祭嶽文
夫惟神有奠鎮
區域之功惟問之有撫治地方之責事存分際理
通感孚頃以按部之餘遂興憫農之念意以暘旱
之災吾褻天慢民者之過也用是省躬布戒率守
吏大小虔告重荷洪庥遍賜昭格而山上之雲觸
石而起膚寸而合不崇朝而雨待哺之民有望而
催租之吏不憂矣其功之速之大實顯佑于東土
問之臨風興懷殊切瞻望謹命有司崇修樽俎仰

啓神功尚饗

嘉靖十六年

都御史端廷赦

告嶽文

茫茫后土五嶽盤薄神爲

之宗威靈鑠鑠上扶乾綱風雨時若下握坤軸是

耕是穫恢我

皇度靈長有託庇我燕人湛淵寥

廓凡此神功振古如昨廷赦奉

命撫茲禮嘗謁

神謁神之初敢干神政匪誕匪私爲民請命夏滂

爲災冬旱復甚陽侵陰伏寔行春令二麥若稿斯

民之病惟神依民惟民依食胡忍視民以此極

將神之怒撫臣之失罪在撫臣民則何慝伏望陰

翊光工昭錫靈貺與雲降雪慰茲渴望如有佚罰
撫臣甘之毋使斯民橫適罹之式號以呼神其聽
之尚饗

嘉靖二十二年二月 謝嶽文

廷赦撫按無狀獲戾神

听致茲冬旱用是皇皇靡寧匍匐祠下為民請命
衆神降鑒旋收杲日大布重雲霰雪先集霖霖繼
益霑足優渥其應如響吏民罔知咸歸於廷赦自
分罪愆顧有何德可以動神何誠可以感神寔神
正直仁慈不忌以廷赦之故累次元元顯貺休烈
禮當報謝廷既既荷神宥自今伊始益當磨光刮

竭力詢民瘼以求不為神羞惟神佑之鑒之尚饗
嘉靖二十三年十二月

巡按山東監察御史鄭芸告嶽文惟神萃造化之
靈秀顯仁威以配天峻德獨宗於諸岳魏功茂對
於八埏崇古今之封秩為齊魯之具瞻五徵時應
六府奠安芸欽承上命攬轡茲方風裁是秉惟
神之綱春生秋殺慝激淑揚爰及藩臬降鑒有光
精神默契敢不肅將祇陳牢醴維脩典常明禋載
駉維神是匡利奏膚功憲度孔昌下土永賴赫奕

用章尚饗

嘉靖二十三年

言

巡撫都御史王予告嶽文蓋聞懿垂編錄休翊

明時以雄長乎五嶽者神之能事也至於奔
寸而合不崇朝而雨天下者神之能事也至於奔
走天下積致賄施以利賴此一省者又神之顯惠
也則夫雨暘時若固神之當先及而亦一方之所
私望者矣乃不雨自春迨將中夏達乎四境且害
三時麥已罔秋禾豈望歲夜倬雲漢晝苦風霾下
民其咨 上夫有憾神之所以急此一方者不其

災歟且忤受 命撫茲圖惟保釐殫厥心力而已

雲行雨施寔仰 明神焉勢分固爾也抑忤及庶

司或陰蓄僇辜有乖感假則神宜罰及厥身顧斯

民何辜代服政者惟此祭毒耶謹齋明思省遣教

授胡大慶告此雩事神其歟崇朝之靈渥千里之

和則豈惟忤與一方之人慰蒸其望雖神之取信

天下輝英今古以亦攸係矣惟神其聽之哉尚饗

嘉靖三十

一年五月

巡撫都御史沈應龍告嶽文夫嶽之靈豈直以崖

奔嶺感谷抱谿迴崛起重險為一方鎮哉蓋將賴
以崇藩玄機鼓湧元精禦災捍患流福生民保衛
邦家也矧夫岱靈甲群峰而特峙尸攝生之神工
鵬鸞芬芳獨盛千古奔走萬方為天下諸嶽之長
者歟乃者春則恒陽二麥罔秋夏則恒雨民鮮粒
食所謂國泰呈瑞時訛及玆者胡罔時錫豈天灾
流行雖聖世有所不免耶應龍承乏撫綏休養東
土山川之神寔切主之乃歷曉巖排蒙葺升育丘
陟春趾以脩祀事以祝景貺以佑斯民以祈不貳

於聖天子懷柔百神肅恭明禋之典匪徒以姦
古饗奇俯瞰虛廓仰眺寥泝為遊觀樂也維嶽配
天尚飭予志邁彰休佑大康是邦奠聖祚于苞
桑鞏

皇圖于永固則庶乎岱宗之禋奇於齊魯者為益信
而崇祀於列聖者斯不誣也惟神其念之哉
嘉靖三十一
一年再祈雨文天地生萬物所以奉而行之者神
之職也

聖天子養萬民所以奉而行之者應龍等之職也今

山東諸郡早已大甚麥苗就稿萬姓皇皇餓莩之
形漸多潢池之警日報此應龍等日夜憂惶計不
知其所出也應龍等寡昧保釐失職貽民荼毒罪
固難辭惟神聰明正直能興雲雨亦可失職而甘
受天地之罰乎應龍欽承

上命敬共明祀特申祇告敢為萬民乞命伏願鑒此
精誠幹旋造化甘霖沛澍四野沾足枯槁復蘇三
農慰望尚期消患於將萌轉禍而為福應龍等仰
荷明神無窮之錫而神亦無窮之休神其聽之

尚饗

嘉靖三十二年閏二月

巡按山東監察御史馮薦告嶽文東土鹺塔地方
遠不逮古賦役繁重即有年民亦流移往遭水害
窮困不能自存老稚在途強壯嘯聚疾苦之狀不
忍聞見

聖天子痛憫時艱簡重臣出廩賑饑而垂絕之生意
復蘇然猶望今歲有秋也爾麥亢旱農事盡廢公
私既竭將曷以支惟神震方名嶽能興雲雨以生
萬物古今祀典攸崇也夫民有疾苦常茲上者分

宜罷斥竊恐神茲土者心亦弗能自安神宜仰體
聖君之仁俯從薦等之願誕敷靈液以紓吾民之疾
苦神之德惠將流被無窮矣謹告

嘉靖三十二年閏三月

巡按山東監察御史雍焯告撤文謹以牲醴敢昭

告于

東嶽泰山之神曰於赫岱宗秩祀有恒神功丕施毓
物効靈奠此震極翊此坤寧歷代禋薦酬德報成
迄我

皇朝典祀維明焯等叨事茲土肅將明馨仰藉神

昭格用徵筆我

鴻圖永躋豈享尚饗

嘉靖三十三年十月

三十

巡按山東監察御史段顧言行

政司左叅議

徐文通按察司副使王世貞李

金事王遴張師

价暨都司署都指揮僉事李奉

告嶽文竊聞天

地之大德曰生而生生不息之元氣盛德鍾焉凝

焉是曰泰山夫泰太和也謂天地太和之氣盡此

焉在也衍之而時則惟春而神寔石之布之而方

則惟東而神寔專之大哉乾元至哉坤元胥茲乎

生成而終始之是所謂天地好生之府而特為四
嶽之宗乃若壁峙之峻極盤薄之閔遠又非所論
也以故舉自有虞氏以迄

昭代咸秩祀而崇報之也固宜予小子言按部齊魯
責在肅清而激慝鋤凶若與大神之生道不相似
者然我心我精我儀我誠神將吐之乎嗟乎吾知
其必弗爾矣吾聞春生秋殺玄化之流也福善禍
淫明神之靈也遏惡著良大君憲天之政也矧以
生道殺之而率生者斯無窮以福機禍之而福福

者斯無窮乎。繄乃知大君顯憲，幽贊以成化而予小子觀風攬轡，又將以奉君之命而致之元元者也。果終異乎於戲神不享，非禮之祀。君子不冥祀于不享之神，大神其以予之言為不戾耶。尚祈鑒我精誠，我假我歆，而毋予譴也。謹告。嘉靖戊午夏五月二十七日

巡撫都御史張鑑

祭

文曰：粵稽山東之地，青兗

肇域，齊魯舊疆。聖賢王霸之化，禮義富強之方，逮

皇明之御宇，為畿腋之左壤。東表溟海，西略河防，赫

赫明神，實主震方。鑑奉

明命來撫，是邦則巡撫。

之與威靈乃均夫秉幽明之章念言東土憂心俚
俚薦臻饑饉官方不良煩苛盜疾昏墊流亡戶籍
耗減阡陌蕪荒以今日之所目擊較之古昔之盛
恐焉其如傷履任以來夙夜惕惶仰承神祐時雨
時暘百穀用登盈畝穰穰匪直彼不斂穰而此遺
穗實貧有餘而富露藏是神錫吾民之福即所以
貺有位之康彼存者既享有年之樂而去者豈無
故土之望桑梓在念逋負難償思者不來來者不
減招撫墾闢孰敢怠荒因則戶而平其稅分地而

清其糧上則請命於天子天子即賜俞允下則責成於有司有司有欺心玩法削民自殖者典刑有赫實足自戕苟非明神屢錫以豐年煦育以和氣則民將迫於貧困疾疫何能永樂利於故鄉經綸潤澤既明且詳陰騭默祐惟神煌煌鑑蓋求上不負聖天子牧養小民之意下不負生平奉公憂國之志使閭閻郊野盡復古昔之盛亦為東方明神之光用是敬陳牲品侑以玄黃既齋既潔肅恭對颺為已往有年之謝致將來時若之禳報懇

之忱非言所將福晉祐正惟神之祥鑒微衷之懇
懇知來格之洋洋向饗嘉靖四十年

巡撫都御史傅希堦祭嶽文曰茲者漕河橫溢運
道阻艱特命大臣總司開濬惟神雄鎮一方

捍除百患凡川流之壑注或山下之出源式用遣
官備申祭告顙望鑒茲重計舒予至懷急靖洪
濶佑成羣後俾運儲以通濟永康阜于無疆謹告

隆慶六年

巡撫都御史陸樹德告嶽文曰惟神宗統羣衆

體元發生普天率土孰不景承況此幅員之內即
所敷氣而布精一作一息是怙是憑廼者恒賜不
雨嗷嗷群情撫臣憂之亟禱於庭亦嘗檄下諸司
共敦祈請雨遲遲而不至天杳杳而難明豈政之
多舛抑禱之鮮誠方擬遣官敷告祠下草野
而雲合使未發而雨零惟神惠民如響應聲
何幸竊有餘榮謹潔牲醴遣官陳詞仰冀寵
異德施不匱湛澤時行自河之壩迄於東溟
弗遍靡露弗盈用俾苞者畢達亢者膏耕消

於不作調歲事於豐登尚饗萬曆十一年

巡撫都御史李輔告歲文曰維神作鎮東

胃下土凡國賦之登耗實紀綱其司生靈

戚實宰制其柄威靈煇耀古今福澤莫安境宇

矣山東頃歲以來陰陽舛繆災歉頻仍乃者冬

雪寒春鮮雨澤時既入夏竟日長風致今麥方

而就枯穀及時而不播農民倉皇於四野吏士

怖於庶司雖祈禱連旬而密雲不雨切念山東之

民困於涸轍矣而歲再不稔將何聊生山東之賦

繫於秋荼矣而室如懸磬將何輸納耶職守官之
無狀嗟此下民其何辜仰惟 尊神靈爽咫尺鑒
察絲毫若罪有所歸則職受幽冥之譴如適遭時
厄敢祈 矜憫之恩尚縱陰而閉陽隨興雲而布
雨庶生我百穀汙畚穰穰滿車惠此群黎婦女嘻
嘻卒歲不然感而不應則神何以稱威靈求而不
獲則民何以誦福澤職不任謁誠祈懇之至謹
告 萬曆十三年和府李伯春代告告畢而雨至

巡撫都御史李輔 **祭歲文**曰今歲自春徂夏四月

不雨內自 皇畿達于淮甸焦枯奚啻千里暵茲
東土寔惟左輔民生益否前雖霑此霖霖曾入土
之無幾乃今苗不秀而秀不實旋復稿矣下民洶
洶哀籲 上帝無間遠邇 天子憂勞減膳徹樂
下詔罪已馳道不除朝步自宮迄于郊疇桑林露
禱為民請命罔恤勞只輔茲東土奉職無狀辜何
宥諉念此無知顛隳溝壑寔愴惻而不能已矧
主憂臣辱即匍匐席藁敢一息而自寧止惟神莫
位維去職司生物胡忍坐視斯入之日就填委輔

謹率屬吏布其款悃以告于神願神明罰予吏之
無良而無遺禍於歲出其膚寸不崇朝而雨天下
以畀我稷黍而慰我 天子夙夜憂勞之意則此
子遺猶能供粢盛而備肥腍以奉神之祀於不匱
惟神鑒予之丹誠而示予以昭嚮輔不勝悚息聽
命之至尚饗

萬曆乙酉年四月二十五日

巡撫都御史李輔 **告嶽文**曰自春徂夏長風為雷
早氣如焚夏麥垂枯秋禾未播輔受明命撫輯東
方俯念民艱憂心孔疚先曾齋心備物赴訴於神

伏蒙明神鑒其悃誠惠以靈澤致禱者再獲雨者
三枯麥半收新谷漸達念念應如桴鼓益瞻靈爽
之不違點點潤若膏酥共戴慈恩之無量但雨澤
應時雖慰三農之望而霑足未徧尚懸再旱之憂
且內自京畿外達諸省猶聞歷三時不霑點雨數
千里并無粒食以致主上焦勞羣工警惕上關
宗社下係生靈奚獨鄙念之所悚惶抑亦神衷之
所憫惻是用不厭煩瀆再行頂禮懇隆施於既往
徼明貺於將來伏望大展神功溥垂陰騭甘霖不

限於疆域在在滂沱洪仁普被於寰區人人騷淪
蕩除旱魃之薰灼挽回樂歲之謳歌輔不勝感激
祈懇叩心待命之至尚饗萬曆丙戌年同知趙承
代告告畢而雨至
巡撫都御史李戴告嶽文一惟神海內名山五嶽
稱雄五嶽之尊獨歸岱宗正趾坤元奠位維東顯
配天之靈應茂長育之洪功矧茲齊魯宜荷祈蒙
戴欽承

上命來撫東方初入其境旱魃為傷目茲樵悴心甚
憂惶躬詣神祠為民祈祥幸賜昭鑒示我洋洋告

詞甫畢靈雨即零翼日旋車雨降雲蒸大霈甘露
弘闡神靈三農慰望萬物遂生神功莫報峻德難
名遣官代祀敬潔犧牲修茲報賽用展微誠伏願
風雨時若災沴不形永祐民庶慶歌豐亨戴不勝
忻躍懇祈之至謹告

萬曆十四年
五月五日

巡撫都御史李戴告撤文曰惟神化馳九域位冠
百靈裕民足國有赫帝庭矧茲東土香火維繫
家尸祝是依是屏胡天不吊降此大戾三春不
雨麥乃盡悴九夏不雨禾且無穗國用民生于焉

胥置 聖主求瘼有位忘飡道路流離黎庶彫殘
英爽有知而寧忍看慈悲普濟具仰彤壇戴救荒
無竒懷憂如擣夙夜齋沐為民祈禱神之聽之庶
幾懷保蚤霈甘霖田此枯槁謹告
萬曆十四年六月二十日
山東運司同知查志隆撰代史告文曰志隆蚤歲
家塾誦法孔孟則聞登泰山而小天下云蓋未嘗
不奮心翹首冀幸一踐跡之為快也往在壬申假
道登覽時忤權貴圖且謁歸謂與山靈永別已矣
安得如程伯子請註郭簿撰錄名勝哉不自意間

隔一紀復出而典職則在山靈咫尺之地曾部使者嶺南譚侍史觀風陟嶽詢訪圖經屬志隆以筆劄之後所幸時清吏隱竟日一無事事得以遊思於秋林豈山靈有意乎假此閒曠俾償始願耶竊謂藉手於此少効涓埃即叨升斗倘這尸素是用屈首編摩罔間寒暑曉窓夜燭集古覈今殆四閱月業已屬草為考者三曰圖考曰星野考曰形勝考為表者二曰山水表曰疆域表為紀者四曰狩典紀曰望典紀曰遺蹟紀曰靈宇紀為志者五曰

宮室志曰物產志曰香稅志曰災祥志曰登覽志
而揔揭之以名曰岱史謂夫岱宗之稱昉自黃帝
今宜從其古初而讓著之法獨擅史家茲稍襲其
義例也第念管窺蠡測則心思未融徑逖厓幽則
涉歷未遍碑殘簡脫則目力未周於茲有深懼焉
吉蠲祠下敬籍所草質諸神明行且涉阻躋巔遍
觀周覽豈敢妄希先賢之勝事開衡嶺之烟雲尚
冀神明降鑒而默佑之雲披日霽畢露奇觀對景
揮毫恍然天啓庶幾幽不負山靈明不負付托而

位史第七卷

請上

於已亦不負據梧橫卷之辛勤則惟神明陰相是

賴也敢告

萬曆十

四年十

月十四

日告畢

登覽岱

符祈祝云

凡三日

遂得以

遍歷諸

形勝果

巡撫副都御史王在晉告嶽文曰於維泰岱崔嵬
如柱設位苞祗永奠邦土勢臨杲曜碣磨梁父青
帝出神策洞府涵育萬有生成是主仰魁法象
洞岷岷岷

帝之孫有秩公輔玄黃斯判天齊嶽祖裡宗符望
遐控區宇一索閱靈鎮茲齊魯小子藐焉謬膺東
撫顛連甫起民無二黷去夏曠暘經秋不雨咨爾
予遣蕭然環堵三韓震隣交馳白羽邊烽孔亟翕
訏夷虜調集汾沅虛我行伍渤澥飛芻率循水滸

魚鼈生靈徂徠島塢倂及馬牛徵輸方午

天子下食蒸黎繁苦逋賦避荒孰安南畝麥整其族

嘽嘽號虎徼神之餘以恤戎部國步多艱下

事靡監蠢爾狡酋神赫斯怒天討聿彰濯征膏肓

東人之子揚舲代鼓底定方隅宰不予侮鴻圖勃

興普天受怙克奮克強乃文乃武爵律稷丘百靈

偃頽昭告皇穹明威遠溥王輦金繩玄宮瑤圃稽

首齋心仰荅神祐億萬斯年焜耀今古

碧霞元君殿巡撫副都御史王在晉祝文曰岱宗
首震氣化攸分永奠坤維東漸海濱天子有道望
氣書雲七十二代鬱鬱燔焄昭格皇穹玉檢玄文
屆茲遼警羽檄時聞徵調踵至爰振三軍轉輸飛
輓民艱孔殷晉撫茲土拮据紛紜仰希 神怙立
靖夷氛保護疆圉勿擾耕耘自天申之以告元君

萬曆四十八年四月初一日